

儀

顧

堂

集

儀顧堂集卷十一

歸安陸心源譔

湖州府志人物傳政蹟

沈豐傳

漢

沈豐

鄮一作

字聖通

宋書沈約自序

爲郡主簿太守第五

倫母老不能之官倫每至臘節常感戀垂泣遣

豐迎母廣陵母見大江畏水不敢渡豐祭神令

子孫對母飲酒醉卧便渡

謝承後漢書

後爲零陵太

守爲政慎刑重殺罪法辭訟初不厯獄嫌疑不

決一斷於口鞭杖不舉市無刑戮僚友有過初

不暴揚有奇謀異略輒爲談述曰太守不及也

到官一年甘露降瑞芝生

東觀漢記。論衡曰。建初三年零陵泉陵

縣女子博甯宅內生紫芝

豐使功曹齋芝以聞皇帝悅懌告

示天下

御覽引續漢書

沈珩傳

三國吳

沈珩字仲山吳郡人博綜經藝尤善春秋內外

傳孫權以珩有智謀能專對乃命使

御覽作魏使至

曹丕問曰吳嫌魏東向乎珩曰不嫌曰何以言

之

言之二字據御覽補

曰信恃舊盟言歸於好是以不嫌

若魏渝盟自有豫備又問聞太子當來甯然乎

珩曰臣在東朝朝不坐宴不與若此之議無所

聞也不善之乃引珩自近談語終日珩隨事響

應無所屈服吳志孫權傳注又御覽四百六十三引吳書珩還言曰

臣密參侍中劉熾數爲賊設姦計終不久慙臣

聞兵家舊論不恃敵之不我犯恃我之不可犯

今爲朝廷慮之且當省息他役惟務農桑以廣

軍資修繕舟車增作戰具令皆兼盈撫養士民

使各得其所擥延英俊獎勵將士則天下可圖

矣以奉使有稱封永安鄉侯官至少府孫權傳注引吳

書○案宋書沈約自序稱族子仲山又武康志有五官瀆吳五官中郎將沈珩所居是珩爲武

康人之證時武康爲永安屬  
吳郡故韋昭書但云吳郡人  
聞人奭傳晉

聞人奭烏程人劉牢之守鄆城水道險澀糧運  
艱阻用督護奭謀堰呂梁水樹柵立七棣爲派  
擁二岸之流以利運漕公私利便晉書劉孝武

時會稽王道子寵任趙牙茹千秋等時奭爲博  
平令上疏曰驃騎諮議參軍茹千秋協附宰相  
起自微賤竊弄威權街賣天官其子壽齡爲樂  
安令賊私狼藉畏法奔逃竟無罪罰傲然還縣  
又尼姘屬類傾動亂時穀賤人飢流殍不絕由

百姓單貧役調深刻又振武將軍庾恆鳴角京  
邑主簿戴良夫苦諫被囚殆至亡命而恆以醉  
酒見怒良夫以執忠廢棄又權寵之臣各開小  
府私置吏佐無益於官有損於國疏奏帝潛制

道子

晉書會稽王傳

莫伯虛傳以下宋

莫伯虛字致遠歸安人君陳孫以郎官出守溫  
州改守常州守溫日立思齊堂爲文以記其事  
談志守常事無細大畢入規矩室姦偷杜吏謾不  
以一毫加賦於民而上下瞻足遇歲惡民流穀

價翔踴伯虛乃發粟賑救不遺一人流逋四歸

安堵如故以至視學養士勞農勸耕束縛頑狡

擯逐盜賊於是四封之內和氣條達孫大全集梅露堂記

春有瑞梅甘露夏麥秀兩歧秋禾合穎皆瑞應

也後退里社注意佛書撰修行淨土書法門華

嚴經意並刊行於世又釋楞嚴圓覺經意藏於

家諸孫濛列傳漳別有傳漳子柯戊戌年登進士第

談志

劉誼傳

劉誼字宜翁長興人治平四年進士熙甯中勾

管廣東西路常平

長編

請罷買沈香帝詔輔臣曰

劉誼論事有陸贄之風

談志

元豐元年劾罷轉運

使張頴二年言邕州官舍民居悉以茅覆兼兵火之後邊城樓櫓未備乞集陶人燒瓦運宜州木板溪洞竹蓋公私屋宇庶絕火患從之又言廣西一路戶口纔二十餘萬蓋不過江淮一大郡而民出役錢至十九萬緡募役實用錢十四萬緡餘四萬緡謂之寬剩百姓貧乏非他路比上等之家不能當湖湘中下之戶而役錢之出概用稅錢稅錢既少又敷之田米田米不足復



算於身丁廣西之民身之有丁也既稅以錢又  
算以米是一身已輸二稅殆前世弊法今既未  
能蠲除之而又敷以役錢甚可憫也奈何州郡  
冗費不裁損一切與他路同乎勘會廣南東西  
路監司提舉司吏人一月請給上同於令下倍  
於攝官責之倉法不免時時貨取風聞迹露遂  
行首告甚不稱朝廷厚祿養廉之意謂當裁損  
以減雇錢庶以寬身丁田米之所出與夫下戶  
之役錢甚大利也

通鑑長編  
三百十

又言欽橫二州每

年支移百姓米納於邕州太平諸寨廉州米納

於欽州化州米納於雷州高州米納於容州類  
皆陸行近者十旬遠者二十程於民不便尋提  
舉江南西路常平五年言聞道塗洶洶以賣鹽  
爲患望遣使體訪稍變其法以便民又上書云  
由唐至於五代暴政所興二廣則戶計一丁出  
錢數百輸米一石江東西許之釀酒則納麴錢  
與之食鹽則輸鹽米供軍須卽有鞵錢入倉庫  
則有發錢正稅之外又有租錢宋有天下承平  
百年二廣之丁米不除江南榷酒而收麴錢民  
不得鹽而入米比五代爲加賦矣嘉祐中許商

通茶乃立租錢茶稅以稅爲本比國初又加賦  
矣雖然民生不見兵革安於田畝而以才力奉  
公家未告病也而論者以爲無政事故財用不  
足陛下有憂之起王安石參大政未久而相之  
又以王安石所推引而任呂惠卿曾布李承之  
內則議令外則察訪舉天下之法而新之陛下  
日盱宵中以聽萬務自古好治之君至誠篤信  
排天下之議論而任安石未有如陛下者爲安  
石者以身當天下之怨以報陛下固亦鮮比當  
此時朝廷郡縣頗革因循之弊上下日以赴功

而一切禁言新令之不便是以法度未備而已  
敝夫法已有弊知足以知之然則當更而不更  
者何哉是大臣造法之過而羣臣不言之罪也  
伏思陛下所立新法本以爲民爲民有倍稱之  
息故與之貸錢爲民有破產之患故與之免役  
爲民無聯屬之任故教保伍爲民有積貨之不  
售故設市易皆良法也行之數年天下訟之法  
弊而民病色色有之其於役法尤甚臣請試言  
其甚者朝廷立一法使民出錢而害法者十臣  
請逐言之唐壞租庸調法而爲兩稅其後每稅

錢千而增二百是庸之外一取矣五代之麴鹽  
輟鑿本朝皆入兩稅是庸之外兩取矣又出茶  
租是庸之外三取矣又出稅錢是庸之外四取  
矣又出寬剩是庸之外五取矣是謂不原賦稅  
本末輕重而出錢害法一也陛下以鄉戶衙前  
破民家產故占籍而稅者皆使出錢以助役此  
良法也然差役以板籍爲宗板籍以稅錢爲宗  
避差科者或隱寄稅錢詭名以就下等又稅之  
重輕不當田之肥瘠議法之臣未嘗講此按天  
下不正之籍一切隨稅而出錢是謂不正天下

之籍而出錢害法二也五等之有差役一鄉不  
過十人其次七八人在公者少而安居者多矣  
議法之臣始曰助者取於官戶單丁女戶寺觀  
未嘗爲役者出錢以助重役爾旣而變法不計  
貧富以稅錢爲率而取之謂免役凡軍人代役  
則取其錢以還三司及貧民未嘗爲役則又取  
之何哉臣嘗爲廣西常平矣廣西凡爲稅錢一  
文者出錢七八或五六夫一年之間出錢五六  
若未病民然以五六錢所出方夏秋農趨功時  
兩至官府公使糜費又且數倍古之養民晝爾

于茅膏爾索綯今之貧民以五六錢奪其時甚可憐也故宜融之民逃入蠻洞廉州之民燔屋而逋亦可見矣是謂下戶之錢害法三也朝廷以吏爲貪墨考古庶人在官之制而與之重祿用河倉法決其賄獄可謂美意矣立法之初蓋當考事局之繁簡吏案之輕重州縣之大小以差制祿可也不論大小輕重之別多者至七八千州縣常平兩案或至六千多者至八千本朝簿尉下縣或七八千今之吏乃數倍於此豈非庸錢太厚乎其他容有徒費者矣如前者旣敗

之帳司是也是謂庸錢太厚又有徒費害法四也夫庸錢既厚則取民不得不多兩浙之民富溢其等者爲無比戶多者七八百千其次五百千臣竊以舊法言之役之重者爲鄉戶衙前其次鹽秤子其次酒務使爲上戶者十年而一役費錢百萬則是百千矣今上戶富者出八百千則是七倍昔日以一戶計之十年之出已八百萬矣如此則民家之錢安得不窮天下財產安得不蹙而法爲利民是謂出錢太重害法五也法以役人有定數而年歲有豐凶故立寬剩以



備歲與夫捕虎緩急之用此良法也然司農意  
規寬剩不立正法行之數年州縣寬剩刻納減  
放不及之錢貫已朽矣役錢中又出雜支寬剩  
此爲何名而取也是謂寬剩太多害法六也夫  
男耕女桑不給於買錢以輸公家其勢不得無  
困窮矣今不加卹不幸有方二三千之永旱  
則將何以卹之乎陛下嘗試以近事觀之前日  
明堂赦書元豐元年以前賦剩苗役逋負一切  
放免江西雖小所蠲除數百萬一路如此其他  
可知臣以爲賦稅者朝廷正制尺布斗粟何可

不償今天下之民連年逋負惟幸蠲放一有饑饉仰給於縣官其故何也蓋役錢雜色輸官已多雖樂無贏餘正稅所以不入也昔之人君蓋嘗變法矣然其君臣未嘗不相爲終始也昔者陛下以天下之法弊故革而新之則是變法者陛下也承意而立法者王安石也潤色討論之者呂惠卿會布之徒也故重司農之權以頒法又詔倉官以行法可謂有序矣然而造法之臣不原陛下惠民本意一切以利爲本於是患失之徒爭言新法之便司農不問是否隨事立法

法未成全而安石惠卿有隙曾布相繼罷去而  
新法一聽於司農主司農者大抵妄意朝廷志  
在財用希合而已大臣襲故事不敢復議利害  
而守之行之數年天下受其弊是謂法未成而  
立法之臣去朝廷害法七也然而上下相目而  
不言是羣臣持祿養交負陛下也而今日定法  
之臣又無一言救其弊徒頒條式以減淮浙役  
人椿留爲說責諸路依式成書移東就西減五  
增十固無毫髮有補朝廷所謂提舉倉官又不  
肯論列利害意者欲繼前軌趣成書總天下方

數見之空文叨天下之功以幸富貴是謂司農  
不察倉官不救弊害法八也夫二浙之法始於  
承之其次沈括其次顧雍凡三遣使矣屢變法  
矣然民不知法之爲利而日益貧者徒知更出  
錢之法而未嘗減錢以利民也是謂減役入而  
椿留其錢害法九也自改法以來變圓融爲和  
市有司不爲陛下惜乃輕爲價上督責則下疾  
驅爲縣令者乃一科買於民昔臣過淮南淮南  
之民科黃河夫夫錢十五千上戶有及六十夫  
者湖南買弩椿官估二十百姓實費二千戶有

及二十條者近江西買軍須衲襖官估八百實費三千其他翎毛竹箭無不數倍夫縣官緩急資於民民出其餘助公上理固然也然民已出役錢又不免於科配是謂百色配買錢價傷民害法十也凡此數弊者不見於上而見於民情壅於上聞甚可痛也傳曰知予之爲政政之實也今有司但知取民甚無謂也然救今日之弊豈有難哉陛下鑒害法者悉更之民享大利矣伏惟陛下察臣之言不在於私嘉聽幸甚誼又言巡歷洪筠等州據百姓陳狀論訴州縣抑令

置鋪鹽已牒所屬施行臣竊詳蹇周輔元立鹽  
法以救淡食之民於今民間積鹽不售以致怨  
嗟賣既不行月錢欠負追呼刑責將滿江西其  
勢若此則安居之民轉爲盜賊其將奈何上批  
劉誼職在奉行法度既有所見自合公心陳露  
輒敢張皇上書惟舉一二偏僻不齊之事意欲  
概壞大法昧公誕謾上惑朝廷外搖衆聽宜加  
顯斥以儆在位特勒停續通鑑長編七百二十四  
德郎元豐中遊金陵以啟投王荆公令其再起  
更新法之不便於民者荆公答以啟略曰起於

不得已蓋將有行老而無能爲云胡不止

四六話

元祐元年孫升言江西湖南鹽法之害行於朱彥博陳偁民之殘害甚於水火獨誼上書極言

請復誼職尋改奉議郎差權發遣韶州

長編三百七十三

二三年坐到任謝表怨望狂率勾管靈仙觀後

二年知漢陽軍

長編四百九

從異人授出世法遂隱

三茅山自號三茅翁有詩云曾跨江西使者鞍

直言纔上便休官三茅得夢全清瘦頭髮鬚髯

布襖寬東坡自嶠南以詩問道曰或有外丹已

成可助成梨棗者不惜分惠又曰先生筆端有

口足以形容難言之妙軾亦眼中無翳必能洞曉不傳之意有文集三十卷奏議十卷

談志

### 蔡蹈傳

蔡蹈字冲允歸安人熙甯六年進士元豐三年爲衛州教授生員謝璫乃簽書判官謝京之姪慢罵師長蹈以學制屏斥

長編三百四

紹聖元年累

官監察御史奏言內藏庫通軍國之用望審察元豐官制格目復隸戶部大府寺三年哲宗遣中使鄭舉詣大理寺設獄囚有對舉聲寃者舉輒受其訴蹈奏言大理獄朝廷所重非刑部御



史臺不得詳覆糾察而監設使臣本無省獄之命而敢聽其辭生死犯分莫此爲甚臣嘗覩大中祥符詔書曰比來內臣將兵出外如聞有收受牒訴恐緣致枉抑自今宜切禁止違者重論之臣竊聞祖宗之意防微杜漸可謂明且遠矣望少加聖慮特降睿旨下大理寺根問施行庶使使命小官知所禁戒不敢因緣生事

諸臣奏議四

年權中書舍人沈銖繳還新除戶部尚書吳居厚詞頭詔令具析聞奏蹈奏言中書舍人之職專掌書命朝廷除授未允公議則王命之出不

可不審況有義當論列若論失其實而上罔朝廷卽銖被罪黜可也不當更令具析待之以不信而使在廷之臣以此爲戒他日無敢言者且居厚之爲京東都轉運使牟利殃民衆所備聞銖之所論公義翕然望追寢具析指揮庶存近侍論思事體長編四百八十八尋權殿中侍御史宣德郎竇納奏乞河北路官賣鹽降旨施行蹈奏河北諸州鹽法自五代以及本朝嘗禁權矣不旋踵仍舊通行熙甯中先帝嘗問王安石曰著作佐郎張端言權河北鹽事如何安石對恐亦可

爲但未詳見本末爾先帝曰理財致用自足致富如此等事雖不爲可也先帝隆眷安石言聽計從而於此獨斷以不疑非灼見利害不至於是其後雖有計議之臣請稍更法隨卽寢罷由此觀之河北鹽法若官可自賣何俟今日然則先帝之深思長慮至仁廣惠固可見矣伏願陛下留神省覽且令河北鹽法依舊施行庶不生事一方安堵天下幸甚

四百八十八

又言近太僕寺

主簿李撰遇皇太后幸池道側不引避罰金衝替太學正林虞衫帽乘馬行道望上儀衛不卽

斂退其不恭略同而特旨以贖論是大臣干勢  
可撓陛下法非所以示至公四百八十九卷又言近者  
星文示變陛下恐懼見於詔命至於避朝損膳  
咨訪直言可謂勤矣然猶以爲未也復肆赦天  
下仁恩滂沛蕩宥囚繫此誠古昔哲王所以應  
天敕命之實也臣伏讀赦文鬥殺罪至死猶且  
得生而田野良民乃不沾潤聖澤是惠及有罪  
而不及於無罪與其生而未厚其所以生也臣  
愚伏見元祐大臣變法干百姓之譽故凡民所  
欠負一切蠲免今且以市易一事言之初民間

以物產抵當貿錢米久而不償物產自合入官  
用事者欲爲異恩無故還所抵當民間旣得已  
物恣行典賣紹聖以來卻行催理今已累年空  
有姓名掛於文書追擾紛紛終無益於事此非  
民之罪也伏望特詔有司契勘今年旱傷地分  
負欠市易錢物人戶量與減放庶幾澤及困窮  
續通鑑四又言江淮荆浙福建廣南路提點坑  
百九十一治鑄錢事朱彥博天資傾邪習尚狡詐喜爭好  
訟中傷善良上同又言近日接開封府東明縣百  
姓六百九十八狀計一千八百五十九戶爲陳

論今歲夏旱依條披訴災傷知縣李昇緣故府  
主簿何夷權管縣事不受伏思京師爲諸夏之  
根本天子施德布惠必先及之所以重本而馭  
末也近者風雪連陰小民困苦陛下深軫睿慈  
蠲免房金以至再三而憫其炊爨不屬增場出  
炭損直贍民以惠養京師之人可謂厚矣至於  
國門之外數舍之遠農畝歲荒而民無所赴訴  
是豈陛下優養畿甸農民之意乎畿甸之近且  
猶如此則其他邑災傷民被扼塞旣遠在數千  
里外不能皆赴臺察則陛下何從知之乎信如

民言則夷任民官而違法害民罪不可赦升爲  
長吏而殊無按察佐官權縣不受災傷詞訴亦  
合劾治望速賜施行以戒天下苛刻之吏四百九十  
三提舉京城所奏據太史局董惟正指引定奪  
補貼夷門山闕陷於山岡修建一寺蹈奏言夷  
門山岡實國家本音生氣之地然自祖宗以來  
未聞有獻議欲補助形勢起建樓閣爲議者不  
知今議何從而起太史董惟正一人之言亦何  
可依據臣愚雖不習知地理而嘗聞地道以甯  
靜爲貴今若補貼闕陷不免旁近取土深遠舛

鋪之衆能無傷乎加以斧斤斲削之聲聞於遠  
近如此而欲求地道甯靜非所宜也臣或聞先  
朝嘗有意於此而議終不行伏思先帝之得陛  
下及諸王果自於此乎陛下仁慈智聖則百斯  
男不祝而有宗社之慶神明陰相何在岡勢哉  
四百九十五邢恕爲御史中丞言林希奸邪章惇陰  
主希恕並攻惇蹈四上章攻希元符元年奏言  
近日引見上殿臣僚已蒙賜對退而俟命十有  
七八不報而去臣伏思疎遠小臣遇緣荐引乍  
瞻天顏罔不震懼進退之際倉猝遺忘所不能



免若其辭貌不近柔佞而鄙野之氣就列稍久  
會有變革且器使之以觀其能旣而無所取材  
斥之未晚先王之時務得人材雖侏儒聾瞶有  
司火修聲遽蔭矐鏐之用所以器而使之者  
今朝廷方患人才乏職事官員闕自右僕  
下以至寺監丞簿往往通攝無以充數今  
旣難則人才益見乏少因而自抑不敢以  
爲望則遠近相傳士皆畏怯不自勸勉殆  
才也詩曰芄芃械樸薪之櫛之傳曰量才  
官度德而定位又曰與人不求備如此則

遺才而朝無虛位矣官人之盛雖成周不能過

也惟陛下圖之

五百一

尋改考功員外郎

五百四

元

符二年坐以銀錢遺鄒浩且致簡敘別特衝替

五百十八

成無玷傳

成無玷字士穀武康人崇甯五年進士先是四年夏趙懷德舉國效順無玷撰端門受降頌以獻徽宗覽而褒之明年賜進士及第調江山令

勞志

建炎中宰相李綱薦其文武才略除刪定官

紹興初呂頤浩薦除知鄂州兼鄂岳安撫使脩

築城壘教閱士伍守禦皆遵古兵法

談志參明一統志

都督張浚薦之高宗累賜御札獎諭未幾秣鞚  
孛堇圍之甚急無玷堅守堇竟引去後因晨起  
巡城霜滑墜足而卒

談志

史祺孫傳

史祺孫字大年安吉人政和五年進士以上舍  
登第紹興元年爲臨安府節度推官上言兩浙  
樸買坊場一千三百三十四處爲淨利錢約八  
十四萬緡今未賣者五千有奇乞募進納補官  
之家投納從之厯官大府寺丞刑部員外郎秦

檜欲謀誅岳飛命祺孫搜索其家交游書尋所  
厚者羅織之祺孫悉焚草曰誣人以爲榮吾不  
忍爲也紹興十年知虔州武臣孫士道者習邪  
怪之術而朝士或與之游祺孫至執弟子禮御  
史魏師游劾其敗俗傷化二十二年責監臨江  
軍當塗縣酒稅

王志參繫年  
要錄江西志

### 沈調傳

沈調字宜衍該之兄也

要錄

政和二年進士宣和

間爲越州士曹掾方臘亂太守劉韜募民能得  
賊首一級賞錢二萬調聞之遽請見以爲如是

則小人規利或殺平人迄今必生禽乃給賞仍  
倍其數不閱日郡人俘數十輩以獻帥命調覈  
其實其間附賊者纔三四人乃請盡釋其餘給  
從之自後凡有稱得賊者悉付調辨驗全活殆  
數千人

嘉泰會稽志

旋知錢塘縣靖康初知長溪縣

紹興初韓世忠辟爲宣撫使幹辦公事五年以  
朝請大夫知莫州爲晏敦復劾罷口年以左中  
奉大夫充淮南路轉運判官二十一年充江淮  
荆浙福建廣南路都大提點坑冶鑄錢二十五  
年以左中大夫知常州

毘陵志

明年以敷文閣待

制移知揚州二十七年充祕閣修撰知福州奏  
言福建諸縣舊有忠義各社鄉村多寡團結推  
擇豪右衆所畏服者以爲正副量置槍杖器甲  
之屬以故盜息民以爲便今爲官師科舉率騷  
擾殊失本意乞令守臣覺察帥憲司舉按從之  
繫年要錄海寇劉興作亂調遣都巡檢張佐捕獲其  
魁二十九年爲任古論罷年八十餘卒

會稽志

沈該傳

沈該字守約歸安人重和元年進士厯官左朝  
奉大夫

要錄

□□□□十二月上書論和議可採

令閣門引對勾龍如淵論該輕儇俗子素無循  
行一百紹興八年金人在淮泗遣使請和該上

疏贊之朝奏夕召

談志

除軍器監主簿十二年除

直祕閣知盱眙軍措置榷場之法商人資百千  
以下者十人爲保留其貨之半在場以其半赴  
泗州博易俟得北貨後易其半以往大商悉拘  
之以待北賈之來兩處商人各置一廊以貨呈  
主管官牙人往來評議毋得相見每交易千錢  
各收五釐錢入官又置場於光州棗陽安豐軍  
花壓鎮而金人亦於蔡泗唐鄧秦鞏等處置場

皆以盱眙爲準十二年十一月丁酉以擅報北  
謀貶秩一等尋以憂去十四年特詔起復仍知  
盱眙軍十五年除淮南轉運判官兼淮南提刑  
明年移兩浙路提刑旋知臨安府十七年權禮  
部侍郎充賀金正旦使十八年兼直學士院奏  
言國家乘火德之運以王天下望用故事卽道  
宮別立一殿以奉火德配以闕伯而祀以夏至  
從之又言四川省類合格不赴殿試舉人第一  
等賜進士出身餘人同出身從之該初爲秦檜  
所薦及爲侍從高宗知之頗深檜忌之二十二



年罷爲敷文閣待制知潼川府移知夔州二十五年檜死召還除參知政事該首奏朝廷機務至繁賴同力協濟者二三執政比歲大臣怙權參樞皆取充位政事例不關決宜特詔三省各務盡誠以贊國事二十六年授左正議大夫守左僕射同平章事兼修國史與右僕射楊思退言近旨令監司守臣按察所部官屬其治蹟顯著者保舉陞擢緣未有定立條目致舉刺皆未能當竊見元祐間司馬光陳請舉按官吏八條委是詳密於今可行臣等今重行修立舉薦四

條曰仁惠公直明敏廉謹按察四條曰苛酷狡  
佞昏懦貪縱凡應薦舉者州舉之部使者部使  
者舉之朝廷皆藉記姓名隨材任使又慮一路  
一州官吏衆多長吏覺察不盡望令監司專按  
守倅路都監以上守倅按察在州兵曹職官以  
上及諸縣令丞所舉失實者取旨竄責失按察  
者進降差遣一資餘所部守監司守倅皆得舉  
按但不坐失察之罪從之該以自檜專政以來  
國史所書多非玉音恐不足以垂大訓乃奏刪  
之而取建炎以來國史通三十年纂爲中興聖

語六十卷上之以進回鑾事實恩進左宣奉大夫詔舉人材該薦黃貢虞允文二十七年進左銀青光祿大夫十二月其子承直郎作乂作霖改合入官該疏辭二十八年以進書恩遷特進辭不拜兄調以招軍溢額擬轉左中大夫該力辭許之二十九年爲御史何溥任古所論罷爲觀文殿大學士提舉洞霄宮三十年落致仕復觀文殿大學士判明州兼沿海制置大使隆興元年致仕繫年要錄參舊吳興丁身錢歲輸三十萬有奇該奏減五分之四鄉人德之遂於易

撰小傳三卷其說以左氏變卦爲文嘗進之高  
宗降詔褒美又有文集五十卷律詩三百五十  
篇雜著一百篇

談志

### 沈昭遠傳

沈昭遠字傳耀歸安人

吳興備志

父千左朝奉大夫

以上書入元祐黨籍

繫年要錄

昭遠政和八年上舍

登第

談志

以談經爲太學博士旋以左從事郎充

樞密院計議官紹興三年十月以徐俯薦擢戶

部員外四年五月命總岳飛軍餉及復襄鄧以

勞進一官旋試大府少卿奏請久任計臣高宗

嘉納十年遷右司員外郎旋權戶部侍郎措置  
津發楚州錢米十二年假禮部尚書充賀金生  
辰使十三年檜黨李文會論其朋附魏良臣出  
知袁州要錄袁州舊試貢士皆寄僧舍昭遠始創  
貢院民輸義倉米倉官違法倍斂力爲減其半  
時四邑以羨餘米上不下數十萬昭遠曰此非  
天降地出無非虐取於民盡卻之民皆感悅明  
志統十六年改敷文閣待制知洪州十九年與轉  
運副使勾光祖以事互訐遂罷旋起知潭州二  
十二年秋七月卒

要錄一百五十九  
一百六十二

施鉅傳

施鉅字大任武康人重和元年進士

王

建炎初

調知嘉興縣二年沈與求辟爲御史臺主簿四年以左承議郎充諸王宮教授紹興二年九月壬午以二省薦充湖南宣諭使高宗召見賜以宣諭吏民詔書御室手厯招收盜賊旗榜十月坐前知嘉興出糴度牒陪增米直不自言降一官罷四年以何鑄薦旋充勅令所刪定官十年七月除都官員外郎十一年改吏部員外郎旋除監察御史明年言者論其交通何鑄出知處

州二十三年召爲中書門下省檢正諸房文字

充賀金正旦使二十四年權尚書吏部侍郎

繫年

要錄言屬者銜命出疆禮畢將還而鄰國之君嘗

問師臣所兼何職今年有幾有以見陛下聖明

登崇賢哲鄰邦仰重望宣付史館二十四年十

一月除參知政事時秦檜當國凡士大夫之有

名望者悉屏之遠方齷齪委靡之輩一言契合

率由庶僚一二年卽登政府二十五年四月秦

檜之黨御史董德元右正言王岷論鉅嘗與李

光交又爲何鑄所引罷爲資政殿學士提舉太

平興國宮旋起知靜江府二十七年移洪州二十九年御史都民望論鉅前守靜江不能撫綏今守洪州賊盜橫行詔與宮觀隆興初致仕錄年鉅清約自持無聲色之好歸家三十餘年結室於郭西灣之最僻處優游林下年九十四而卒孫邁王志參菰城文獻

劉岑傳

劉岑字季高吳興人建康志宣和六年進士談後志

遷溧陽天姿英倬學問該貫忠誠許國寬宏愛士有古君子之風文章雄贍字畫遒勁累官至



著作郎再使虜建炎元年二月壬申除直祕閣  
知鄧州通判興國軍除湖州運判辟川陝隨軍  
轉運使除金部郎累遷左司員外郎紹興三年  
請訪四方遺書以實三館從之除祕書少監擢  
刑部侍郎移吏部八年改權戶部侍郎引疾請  
外除集賢院修撰知太平州五年御史張致達  
論其得罪名教改右文殿修撰奉祠旋以徽猷  
閣待制知池州七年移知鎮江府九年召爲刑  
部侍郎調戶部侍郎罷爲徽猷閣直學士知潭  
州建康志參要錄初右迪功郎吳伸之上書請減劉豫

岑以書譽之至是有刻吐金集者實伸所上疏而岑書在焉秦檜奏伸書有指斥語不可傳播乃令臨安府拘收岑坐是降爲徽猷閣待制十年言者希檜意論岑厯守三郡妄費官帑以市私恩落職提舉江州太平觀仍遣司農寺丞李椿年赴三州審究旋奏岑妄支六十七萬緡間有市馬銀器入己者責授單州團練使全州安置二十三年特差主管台州崇道觀建昌軍居住

要錄參齊東野語

二十五年檜死復岑官

宋史高宗紀

十九年以祕閣修撰知泰州旋移揚州岑請增

置通判一員以張松填闕言者論岑志廣才疏  
輕財尚氣恐緩急不可恃改知温州辭不赴提  
舉江州太平興國宮旋改提舉台州崇道觀三  
十一年召爲戶部侍郎將遣之使金及召對岑  
曰臣受國厚恩今老矣惟不惜一死可以報國  
有如議不合當以臣血濺金主之衣上愕然而  
止車駕親征除御營隨軍轉運使岑言軍旅方  
興主上出內帑以賞軍輔臣辭賞賜以助國惟  
富人巨室久擅高貲初無毫髮之勞望令捐貲  
以自獻州縣受納以其數上聞而朝廷等第推

恩公私兩便又奏借江浙等路坊場淨利錢一

界計三百八十萬緡以備軍賞皆從之

要錄參建康志

宋史全文

十一月除知揚州岑請兵萬人以行又請

廢置一路官吏言者論其誕謾大言罷爲徽猷

閣直學士提舉太平興國宮

要錄

乾道三年卒年

八十一先世葬烏程之杼山故號杼山居士熙

甯中曾祖述爲御史知雜事以忤荆公出知江

州司馬溫公折簡與述有道勝名立之語岑旣

居溧陽乃以道勝名其堂

建康志

岑未達時甚貧

用選官圖下飯時以水沃飯一擲舉一匙帥維

楊日有一舊同官之子以父未葬爲請岑戚然  
興念以其氣太爽得錢未必從親爲念且留相  
伴密使人齎錢往其家買山辦終事真急義人  
也貴耳集筆墨精妙獨步斯世周必大平園續草  
書縱逸而不拘有自得之趣書史會要

俞侯傳

俞侯字居易吳興人汝尚別有傳孫宣和中浙右

經方寇之擾州縣多缺守令侯知真定獲鹿縣  
辟爲歸安縣縣在郡邦人多難之乃預定規模  
處之以公朱勔請括諸路隱匿田侯獨不與鹽

法屢變私販者罪甚重俟獨寬之葛勝仲知州

事待俟甚厚或至縣治與之談談志紹興二年知

常州咸淳四年和糴數多進秩一等要錄旋充

江東轉運副使以朝議大夫直祕閣知揚州十

年移知臨安府每對便殿切論事機升祕閣修

撰十一年除敷文閣直學士提舉江州太平觀

臨安志旋起知紹興府二十一年引年告老進一

官致仕二十六年落致仕召赴行在言者論其

本秦檜黨乃罷之要錄俟所至有治聲人稱爲吏

師談錄吳興志

儀顧堂集卷十一終

儀顧堂集卷十二

歸安陸心源撰

湖州府志人物傳政蹟

周操傳

周操字元持歸安人紹興五年進士爲入氣岸  
磊落知徽州黟縣忤權要去職除國子學錄嘗  
輪對上意欲興武學以問操操厯以本朝建置  
之因對遂兼武學博士

談志引舊編

二十九年自尚

書吏部員外出爲福建提舉常平茶鹽

繫年孝要錄

宗卽位召爲左正言操奏言設官必資久任以



責成效監司郡守之數易則其害尤大願自今

內外除授之際恪意精選務在久任詔令三省

遵守

宋史全文

又言去冬北騎退歸諸將貪天之功

爲己力節次奏功乞下省如何措置以杜僥倖

從之

繫年要錄

又奏方今疆國在疆兵疆兵在豐財

豐財在節用乞躬行節儉以身先之隆興元年

夏除殿中侍御史奏言建立長秋費用不貲方

今軍旅未甯歲時荒歉望應奉繁文內外錫賜

痛行裁抑二年遷侍御史兼侍講知無不言無

吐剛茹柔侮鰥畏強之譏臺風凜然

胡澹庵集外制朝

廷給度牒二萬道付諸路出鬻每道收錢三百貫操奏正是起催夏稅之時若添此項愈見窘

迫請減五千後孝宗亦聞其擾事遂已

宋史全文續資

治通鑑

旋以左朝散郎祕閣修撰知衢州

衢州府志進

徽猷閣直學士左朝請郎知太平州廉勤愷悌

政蹟著聞六年八月改知泉州進左朝奉大夫

七年五月除龍圖閣直學士提舉江州太平興

國宮

周必大玉堂類藁內制

復召爲太子詹事操履道純

固持論英亮

周必大掖垣類藁六

東宮加禮敬焉有奏議

二百篇藏於家

談志

沈介傳

沈介字德和德清人紹興八年進士十二年中

博學宏詞科除敕令所刪定官談志參吳興備志十三

年除祕書省正字十五年除校書郎十七年為

司勳員外郎二十六年兼權祕書少監中興館閣錄

二十七年以朝散郎知台州為政有聲雨暘禱

輒應嘉定赤城志二十八年充賀金正旦使宋史二

十九年權吏部侍郎中興館閣錄三十年除中書舍

人論罷蔡京之甥葉林秦檜之黨王珪旋除吏

部侍郎繫年要錄三十一年正月上封事論備敵之

策略曰

繫年要錄附於三十年之末北盟會編作三十一年正月宋史全文作三十年

九月今從北盟會編

臣竊爲今日之慮莫若備敵之策爲

急顧今大患有二一曰國論不定二曰威令不行二患不去雖備敵將有所不可也何謂國論不定備敵之策不過有三征也和也守也征固力所未能和則理難必恃亦守而已今邊候之書若有所聞則廟堂之上焦然以爲憂色動而慮亂旬月之間則又皆欣然忘其憂矣臣願陛下與大臣斷爲一定之論必專爲守无復異論又必一一而講之曰地孰爲要可以宿兵將孰

爲先可使當敵兵謹於陳糧謹於庾將守淮也將守江也越淮而戰斯守淮矣越江而戰斯守江矣雖用兵不可預料然是數說者不可不講也何謂威令不行曩者秦檜盜權威福自己宸斷赫然收還權柄然三省樞密院奉行威令者也屬者朝廷命取劉寶軍二百以爲黃魚珠之用訖不稟承而三省莫可誰何本兵之臣坐廟堂以選三衛之卒文符旣下卻而不視顧乃私還之而樞密亦未聞議其罰者萬一當敵欲望號召以爲指臂之用詎可得乎臣願陛下明諭

大臣無多爲令無輕議令其有慢令者悉以上  
聞罰惟必行勿阿貴近如此則朝廷尊矣二患  
旣除而後守之之策可言也守之之策其要有  
四一曰御將二曰訓兵三曰先聲以奪敵人之  
心四曰棄瑕以用度外之士何謂御將臣聞之  
善御將者莫若高祖今諸將之視信越計功角  
材豈可同年而語而劉寶手握兵柄至二十年  
志得氣盈傲視朝廷彼其至此果何道邪不過  
掠軍士之廩以利其贏詭尺籍之數以私其祿  
爲賈人之行以肥其室家旣富矣於是爲市寵

媚竈之術宦官之徒有所爲承受者爲之囊橐  
以利其貨爲之遊談以久其權士大夫平昔號  
爲鯁亮者歎息而已未有敢言於朝者爲今之  
策莫若罷其承受之官而黜其珍異之獻自然  
畏威聽命若謀之左右皆其黨也雖欲行之得  
乎何謂訓兵大將聽命然後精擇裨校各分以  
兵大則滿千小則滿百使其訓練才之能否將  
不可揜自通和之後訓兵之政漸弛今之諸將  
運土木以爲技巧豈復使之執兵操奇贏以行  
貨坐市區以謀利豈復使之習戰緩急有用驅

不素教之兵付之貪鄙慢令之將其禍可勝言哉臣願陛下萬幾之暇雖翰墨之習圖史之玩有益而無損者亦姑置之專以閱武爲事二三大將論以至意俾各條小校之能給以軍兵量其才而多寡之賦之以藝責之以日月而訓齊之軍爲幾校校習何藝陛下早朝而退引數校以角藝而嚴其誅賞不過一歲不患不爲精卒雖橫行天下可也況守備乎何謂先聲以奪敵人之氣邇者敵人驅數百萬之夫爲城汴之役觀其舉措甚異臣謂及其未徙也爲計以奪之



氣建康北距長江古爲都邑謂宜急下明詔爲  
巡幸之舉彼之未徙我不先動彼之將行我則  
前邁縱彼恃強能不疑乎一二年間我備修矣  
何謂棄瑕以用度外之士國家承平日久崇尚  
禮義士大夫一行之失清論不容顧於今日之  
用似未盡也朝廷之上清望之臣自非才行兼  
全何以膺其選若理財穀治郡縣臨邊鄙校軍  
旅如此雖大過猶將用之願陛下責大臣以求  
才論臺諫以使過如此則實才輩出何用而不  
可四策旣行而勿奪於羣臣勿移於左右戰戰

慄慄若疾之附身則社稷之危庶乎可安矣三

十二年以左朝奉大夫知永州北盟會編參改

知平江十一月除敷文閣直學士四川安撫制

置使兼知成都府姑蘇志隆興元年奏言四川宿

兵三十年矣民力凋弊殆將不支欲望因錢引

之換界究失亡之總數勿以他補專用蠲四川

征斂之尤甚者詔從之全文明年金人南牧談志

起介以顯謨閣直學士知鄂州兼鄂岳江黃軍

沿江制置使介以親喪固辭不允盤洲集旋加

權兵部尚書兼湖北京西制置使盤洲集招致

銳士入備禁旅不以一毫擾民奉詔獎諭

汪文定集

內制介簡貴威重裁決無敢輒經外臺者王正功

爲轉運主管理或未安改之不疑介不以爲忤

更爲之延譽

樓攻媿集王正功墓志

乾道二年再知平江

上諭以平江輔郡極難其人知卿政事特加遴

選當爲朕撫卹百姓均財節用使恩威並施如

常平錢米以備凶荒訓兵令精不必增補至於

兵器亦令堅緻其眷遇如此

盧熊蘇州府志

四年移信

州與趙師巖爲代在任時州民常欲援往例有

所求不獲遂謀亂介至誅首惡二人餘皆安堵

歲飢賑貸有方民得不死是歲六月移潭州去

官之日老稚扶攜隨行十餘里涕泣不忍舍

志六年乞守本官致仕不允七年轉左中奉大

夫堂周必大玉生平著述奏議皆未編次談志

沈樞傳

沈樞字持要一作正安吉人紹興十五年進士談志

初調彭澤丞二十七年因葉義問薦賜對首論

君子小人之辨高宗嘉之以左從事郎特改左

宣教郎御史台主簿要錄二十八年擢監察御史

明一統志二十九年行比部員外郎繫年要錄三十年以

左奉議郎提舉福建路常平茶鹽奏言常字系

父名詔特不回避

要錄一百八十一

旋以承議郎提點福

建刑獄三十二年除尚書考功郎中

淳熙三山志

乾

道六年遷福建轉運使進對奏州郡水旱處乞

留轉運使和糴米接續常平賑糴詔施行

宋史全文

淳熙乙未曲宴宰執於澄碧軒上曰近來士大

夫好倡爲清議之說此語一出恐成黨錮之風

樞時權吏部侍郎兼太子詹事卽上章稱頌聖

語乞發詔布之海內從之用此真除太子詹事

兼吏部侍郎

朝野雜記

二年湯邦彥奏訐丞相葉衡

對客有訕上語援樞爲證歎曰此張說故事也

豈可畏禍而有欺心坐分析欺隱降三官送筠

州居住十二年

起知温州安吉伍志參朝野雜記宋史葉衡傳陳止

齊州有三宜治歲試士且萬人託處浮屠宮中

兵與民雜居多鬪訟城南達瑞安有石塘積歲

傾陷遇潦往往溺死前太守畏其役不敢議樞

治郡之明年先斥帑餘作貢院及五營又縻錢

千一百萬修南塘民或爲歌謠或香火以祝

齊集修南塘記

遷湖南安撫使

止齊集有啟

旋以中大夫提

舉太平興國宮進寶文閣待制致仕年八十二

卒謚憲敏

安吉伍志參樓攻媿集內制案初樞

貶筠州時售雙鬟侍行及歸遣之還家猶處子

也

梅礪詩話

按舊志作貶瑞州明一統志作

端州韋居安梅礪詩話張端義貴耳集皆作

貶筠州張韋時

劉度傳

劉度字汝一長興人自爲布衣修潔博習葉夢

得汪藻皆以賢良方正薦

周益公劉紹興十五

年進士

談志

除從事郎楚州州學教授二十八年

入爲太學博士

要錄參周

二十九年除祕書省

正字旋擢校書郎升都官員外郎

中興館

金人

叛盟條陳三策

談志

三十一年以汪澈薦改監察

御史遷右正言

周益公集

入對言王權初無寸功久

叨重寄平居則虛名占籍墮壞軍政刻削廩稍  
剝下自豐一旦有疆場之虞望風退縮厯陽之  
奔士卒尚欲回戰而權麾之使退一城軍民爭  
舟赴水死亡幾盡軍資器械並以遺敵臣竊聞  
建隆中晉州荆罕儒戰死藝祖誅不效命者二  
十人咸平中望都之役諸將有臨陣而遁章  
聖誅二十餘人此祖宗之成法也近自瓜州之  
謁陛下以劉汜先遁竄之遠方矣況元帥之罪



重於偏裨淮西之敗重於瓜州則王權之誅豈  
可出劉汜下哉願稽藝祖章聖成法速正典刑  
以服人心以作士氣權乃除名瓊州編管三十  
二年轉左正言奏劾參知政事楊椿貪懦無恥  
爲湖北憲率以三百千售一舉狀自登政府惟  
聽親吏貨賂請求椿遂罷又言恭覲詔書禁約  
苞苴近聞成閔入朝侍從卿監郎中閤門內侍  
皆有饋遺此例一開若不重禁他日將帥入朝  
必爭治苞苴以相誇尚而掛虛名削廩給必更  
滋蔓以充其求不可得禁矣況成閔此歸若有

功而欲賞遠近觀聽必曰以賂賄而獲遷也若有罪而欲貸遠近觀聽必曰以賂賄而獲逸也不惟隳紊邦制玷累士風而成閔所以爲身謀者亦甚疏矣望揭榜朝堂今後羣臣輒受苞苴直令御史台彈劾重置憲典斷在必行又言今者同鑾願止取親行臨陣折馘執俘有軍功者推恩外一切常典所宜謹惜以革僥倖皆從之要錄明年澈除參政度上言慶厯四年八月詔書輔臣所薦毋得除諫官請改外任徙軍器監孝宗卽位陳春秋正始之道自宗正擢諫議大夫平園

續稟參談志  
繫年要錄

時以龍大淵爲樞密副承旨會覲

帶御器械度進對論待小人不可無節潛邸舊僚宣召當有時隆興元年復上疏劾大淵輕儇浮淺憑恃恩寵入則侍帷幄之謀出則陪廟堂之論搖唇鼓舌更變是非凡皇闈宴昵之言宮嬪嬉笑之語宣言於外以自姘嫖至引北人孫昭出入清禁爲擊球胡舞之戲上累聖德伏望斥退又論京房指謂石顯元帝亦自知之而不能用以公議勝私欲耳反覆數百言尤爲切至乃詔大淵知閤門事覲權知閤門事度言

臣欲抑之而陛下揚之臣欲退之而陛下進之  
臣欲使之畏戰而陛下示以無所忌憚是臣所  
言皆爲欺罔何面目尚爲諫官乞賜貶黜不報  
尋以所言失實改權工部侍郎度辭改知建甯  
府明年罷宋史全文參宋史會覲傳朝野雜記度前後凡上九十  
餘疏心平氣和理正辭直薄物細過未嘗屑屑  
至於大小之臣麗於過失必隨事以言平園去續稟  
國居里無蹙蹙之態有傳言鑑古五十篇雜文

三十卷

談志引舊編

嚴抑傳

嚴抑字德隅歸安人建炎二年進士及第治書  
累官左文林郎紹興九年以吳表臣等薦詔量  
材任使十年五月除祕書省正字十一年十月  
除祕書省校書郎兼國史院檢討官中興館旋  
閣錄  
兼益王府教授十三年二月除祕書丞兼國史  
院編修官九月召對言國朝會要仁宗時自建  
隆修至慶厯神宗時自慶厯修至熙甯而後來  
尚未編集事無可考望命儒臣續而爲書又言  
渾儀之制祖宗所留意渡江以來缺然無有乞  
下太史局重創十四年三月爲吏部員外郎九

月言本省藏祖宗國史歷代圖籍舊有古文殿  
祕閣石渠及三館四庫自渡江後權寓法慧寺  
與居民相接深慮風火不虞欲望重建仰副右  
文之意從之十四年七月面對乞春秋三傳釋  
經處許出題以取士又言渡江之初禮出綿蕞  
所撰祝文多述艱虞今時事旣甯望令祕書省  
改撰皆從之遷國子司業十五年七月請增太  
學弟子員二百人通前爲九百人從之旋權工  
部侍郎充金國賀生辰使二十七年侍御史余  
堯弼論抑日遊執政汪勃段拂之門罷爲集英

殿修撰提舉江州太平興國宮二十六年十月

卒

繫年要錄參  
中興館閣錄

莫濟傳

莫濟字子齊歸安人祖蟠字彥輔父伯鎔字器

之伯鎔少有高士志年五十即歸休以延師教

子爲事

談志

濟中紹興十五年進士

談志

二十四年

由平江錄事參軍中博學宏詞科

宋史全

三十年

以左宣教郎充諸王宮大小學教授

繫年要錄

乾道

元年除著作佐郎九月爲禮部員外郎

中興館閣錄

二年擢司農少卿奏言爲治在於任人任人在

於責實任人而不能久則賢而能者無以見其

長惡而不肖者得以逃其罪雖有責實之政將

安所施今輔臣大臣或數月而已罷寺監丞簿

郎曹卿監不踰歲而輒遷恐進退人材似乎稍

驟孝宗嘉納宋史全文三年以宗正少卿權直學士

院翰苑羣書八年權給事中孝宗以外戚張說簽書

樞密院事濟再封還御筆遂與外祠樓政槐集

道碑。案宋史全文作起九年周必大起知温州齊東野語

參談淳熙二年除祕書監兼國史院編修官九

年除知甯國府中興館閣續錄後知泉州談官至中書



舍人

周益公集

濟爲人溫粹和易而立朝鯁亮毅然

不可移所至以儒雅飾吏治皆稱循良弟汲有別

傳

冲皆有俊聲時號三莫澄丁丑進士亦知名

於時

談志

芮燧傳

芮燧字仲蒙一字國器烏程人紹興十八年進

士與弟輝力學起家號二芮同入太學

談志

燧孝

弟忠信博習修潔登第後每有慷慨憂思之志

鄉里前輩如劉一止沈介諸賢皆敬愛之

周必大芮

氏家藏

初仕爲仁和尉長河堰有龍王廟每祭

則有蛇出或止香爐或飲於杯往來者謹事之  
堰歲數壞人以爲龍所爲燧疲於修築一日焚  
香設奠蛇果出於爐燧端笏數之曰有功於民  
者乃得祀龍廟食於此未嘗有功歲數壞堰勞  
民之力爲罪多矣無功有罪國法當誅卽舉笏  
殺之應手碎是夕疾風甚雨大木盡拔燧處之

自若

齊東野語

紹興二十五年爲左從政郎

宋史鄉

人沈長卿作牡丹詩有訐以爲謗訕者引燧爲  
證廷尉捕治燧力辨其非長卿不任笞掠親書  
誣伏獄吏以示燧燧曰長卿誣伏則可燃豈敢

誣證吏別摘燧尉仁和時所作詩有今作塵埃

奔走人之句坐以怨望及應言上不言上為氏

集追一官武岡軍編管檜死復元官宋史家藏

一年除祕書省正字高宗將內禪殿中侍御史

張震以燧名聞上曰是能為古文者即擢監察

御史中興館閣錄出為廣東提刑以儒雅飾吏

治廣東通志凡舊例供饋積至數千緡潛輸公帑歸

過曲江班郡縣史之乏月給者乾道五年除國

子司業旋陞祭酒請祠優進右文殿修撰兩學

生員祖道千計觀者太息八年卒年五十八燧

恂恂自守未嘗與物競及當官而行則秉誼持  
正有不可奪之志和不違衆清不近名不流不  
倚大率類此博通諸經尤長於易其說坎之象  
曰坎惟素習則在險不失其常險至方習亦復  
何及故初爻獨云習坎他爻則曰坎而已雖然  
習當出險乃復入坎寤者爲陰柔小才說也其  
論離卦九三曰日中則昃人生必死當如曾參  
易簣子路結纓怡然死生之際嗟則惑惑則凶  
矣至於他文正大而詞達詩篇純粹而味永皆  
有德之言也有易傳一卷詩四卷奏議二卷表

啟書劄論說記序雜長短句共七卷

周必大家藏集序

藏於家

談子

及言立言

周益公集

芮輝傳

芮輝字國瑞烏程人紹興十八年與兄燧同舉

進士

同年

調桐川簿過倪偁曰與我游者皆有

歌詩然珠玉之賜不如藥石之貽偁曰建平吏

黠民姦子何以處之輝曰以嚴馭吏以恕待民

奉公以勤律己以儉交同僚以誠暇日讀未見

書以增其所未至偁善之

氏族大全

乾道初提舉浙

西常平

南昌郡志

六年轉江西轉運判官進對孝宗

稱其所陳甚好論以先正士大夫風俗次決獄

訟次則漕運

宋史全文

輝抵任卻四方聘弊斥其貲

置南昌養濟院以卹貧者以廉節稱

江西通志

淳熙

二年以朝散大夫提刑浙東四年以職事修舉

除直顯謨閣召爲祕書少監

會稽續志

五年爲國子

祭酒兼國史院編修俄以吏部侍郎同修國史

中興館閣錄

六年奏言吏部選法小使臣遭喪不解

官給式假百日欲除緣邊職任及見從軍與歸

正歸朝揀汰指使等官並軍功補授雜充出身

人依舊少百日爲限此外小使臣如蔭補子弟

宜守家法取應宗室武舉之類皆自科舉中來  
自合悉遵三年之制從之八年又奏言集議惟  
強有力者是從不若令各爲議狀如論科舉則  
禮部祕書省國子監皆預宋史累官兵部尚書  
談志○案刻本晦菴集誤燁爲燬案文中有芮  
公今爲吏部侍郎燬終於祭酒亦未爲江西運  
判今從通志

沈復傳

沈復字得之德清人紹興二十一年進士

談志乾

道初以太常主簿賜對便殿論古昔公卿身兼  
將相南巢之舉尹實視師東山之征周公專之

漢之諸葛晉之杜預唐之李靖類皆儒者之傑

出乃今世之士大夫口不談兵緩急孰可任用

孝宗悅除宗正丞

明一統志參明浙江通志

乾道七年以左

朝請郎直龍圖閣兩浙運判權工部侍郎兼臨

安府少尹八年正月除戶部侍郎

咸淳臨安志

一日

登對孝宗問版曹財用幾何所用幾何虧羨幾

何復一一奏對訖於所佩夾袋中取出小冊進

呈無毫髮差孝宗大喜次日問宰臣曰侍郎有

過政府例否梁克家奏云陛下用人何以例爲

癸辛雜識九年正月遂除端明殿學士簽書樞密院



事十月進左中大夫同知樞密院事初梁克家  
爲右相朝有大政必與復熟議而後行張說在  
樞筦議多不合及克家去國復亦勾退不允復  
在告時待罪十二月遂罷爲資政殿大學士知  
荆南府淳熙二年改四川宣撫使五月召爲同  
知樞密院事旋出知鎮江府宰輔編年五年移  
知福州軍州事充福建安撫使周必大玉堂類稿內制以  
中大夫致仕旋卒十三年賜謚簡肅編年復以  
才能結主知分符總饗盡天下要劇處貳機廷  
建宣閭俱卓犖有成效其執政也張說以恩倖

進同列多媚承之復嶷然中立議論不少屈竟  
力請去位有古大臣之風

真西山四  
益齋詩序

章良能傳

章良能字達之歸安人

宰輔編年錄○案中興  
館閣續錄作處州麗水

人 淳熙五年進士

談志

六年除著作佐郎嘉泰元

年除起居舍人

中興館  
閣續錄

陳主司三弊一曰沮抑

詞賦太甚既暗削分數又多置下陳二曰假借

春秋太過諸處解榜多置首選三曰國史實錄

等書禁民私藏惟公卿子弟因父兄得以竊窺

冒禁傳寫有司乃取本朝故事藏匿本末發爲

策問寒士無由盡知請自今詩賦純正者置之

前列其春秋卓異者不妨巍占策題明白指問

宋史選

司諫宇文紹節指爲丞相謝深甫之黨

出知溫陵

齊東野語

慶元元年以樞密院編修兼國

史院檢討開禧三年權兵部侍郎

中興館閣續錄

除禮

部侍郎兼侍講兼修玉牒官嘉定初更化大述

作多出良能手事有不可堅執不移

攻媿集

金

人欲求侂冑函首朝議皆主之良能以爲事關

國體抗詞力爭

齊東野語

除吏部侍郎二年除御史

中丞兼侍讀時宇文紹節除簽書樞密院懷前

疑不敢拜良能疏言公論出一時之見臣豈敢  
以報私憾請趣紹節就職未幾良能亦遷中大  
夫同知樞密院事與紹節相得甚歡旋兼太子  
賓客太子讀春秋終篇轉大中大夫太子讀三  
朝寶訓終篇轉通議大夫六年進通奉大夫參  
知政事七年正月卒於官謚文莊中興館閣續  
錄參宰輔編  
年錄齊東野語宋史  
全文真西山集內制良能少好雅潔居一室必  
洒掃陳列琴書或譏其齷齪無遠志一日大書  
素屏云陳蕃不事一室而欲掃除天下吾知其  
無能爲矣識者以爲不凡著有嘉林集一百卷

齊東野語

間作小詞極有思致兄良肱字翼之

癸辛雜識

淳熙十一年進士開禧二年除校書郎三年除

祕書郎嘉定元年以著作佐郎知衢州九年以

朝散郎直寶謨閣兩浙運判兼知臨安府旋除

顯謨閣升轉運副使十一年以宗正少卿兼修

國史

中興館閣錄參成淳臨安志癸辛雜識

章良朋傳

章良朋字益之良能羣從長興施宿婿

吳興志慶

元元年為旌德尉

徽州志

嘉定十四年以朝奉郎

提舉浙東常平茶鹽兼權慶元府事

四明志

兼沿

海制置司事時海寇嘯劫師久無功良朋廉知  
前時調軍出海糧盡卽還軍獲寇物官悉拘收  
所以賊久未平乃問策於幕僚呂午與制置司  
幹官施一飛共議糧盡再給不許擅還所獲賊  
舟物悉充軍賞於是海盜一清

宋史呂午傳參方同呂左史家

傳十五年特轉朝請郎召爲吏部尚左郎官

明四

志紹定元年三月以朝奉大夫直寶謨閣知平

江府七月致仕

姑蘇志

章燮傳

章燮歸安人淳熙八年進士

談志

監淮西總領所

西酒庫紹興初總領張抑嘗以賢業薦之操行

甚修學問甚正吏能尤爲精敏無爲軍與和州

嘗爭一鎮稅務兩郡太守移書請託卻而不視

卒畀所應得之郡建康初有大家奪細民田漕

臣林枏委變裁決竟還細民

楊誠齋集薦劉起晦章變奏狀

嘉

泰四年以朝請大夫除浙東提刑開禧元年除

直寶謨閣三年改直華文閣知紹興府本年召

赴行在

會稽續志

除監察御史嘉定元年與徐崇龜

等上言韓侂冑專政無君潛上不道乞梟其首

領置之淮甸叢塚之間以謝天下

兩朝綱目備要

官至

侍郎子巽亨官平江府司理

劉宰漫塘集平江府司理廳修造記

陳晦傳

陳晦字自明長興人

長興顧志

十歲能屬文

魏鶴山集

淳

熙初應童子科孝宗嘉其魯論之對賜童子出

身

長興志參鶴山集詩

紹熙元年中博學宏詞科同試者

摘周五射記用襄尺字以爲犯濮王諱慶元四

年從臣言晦記問文采迥出流輩旣單用襄字

初不從言自不應避乃賜同進士出身

困學紀聞參詞

學指南

嘉泰四年除祕書郎兼國史院編修官又

兼實錄院檢討官開禧元年除著作佐郎八月



知蘄州嘉定元年以禮部郎官兼國史院編修

官八月除樞密院檢詳文字

中興館閣續錄

權直翰林

院史彌遠拜右丞相相麻晦之筆也有昆命元

龜使宅百揆語時倪思知福州具申朝省謂昆

命元龜乃舜禹授受之語人臣不當用乞行貼

麻晦已除侍御史奏制內昆命元龜使宅百揆

乃演述卜相之意國初趙普拜相制云詢於元

龜歷選厥后又有甚的切者唐元和中裴度拜

相制曰人具爾瞻天方賚予昆命元龜爰立作

相云云古人舉事無大小未嘗不命龜如洪範

周禮左傳皆可攷也所有已降相麻卽不合貼

得旨陳晦援證明白無罪可待

齊東野語

仕至刑部

侍郎

長興顧志

施宿傳

施宿字武子長興人元之

文學子有傳

陸游會稽志序紹熙

四年進士

宋進士表

慶元間知餘姚縣始至詢究利

害得其要領於是百廢具興邑瀕海旣築石隄

以障海濤民田得無害議建一莊爲田二千畝

募民耕墾築倉儲粟以備修隄之用

樓鑰餘姚海隄記

黃潛跋云宿嘗爲隄四萬二千尺其中爲石

隄者五千七百尺其用力於海者古所未及

爲政務大體不事細謹尤加意風教市田置書

教誨學者萬厯紹興府志沈作賓守會稽時宿通判軍

事與撰會稽志積勞累月乃成陸游會稽志序晚爲淮

東倉曹時有故舊在言路因書遺以番葡萄酒歸

院相會出以薦酒有問知所自憾其不已致也

劾之無以蔽罪宿嘗以其父元之所注坡詩刻

之倉司有所識同郡傅穉字漢儒窮乏相投善

歐書遂俾書之鋟板以賙其歸因摭此事坐以

賊私癸辛雜識

俞澂傳

俞澂字子清號且野汝尚

別有傳

元孫

王因伯祖

閣學侯字居易恩入仕中刑法科爲人清淡簡約樂易無厓岸而居官守正不阿其爲福建檢法陳丞相帥三山治盜過嚴一日驅數十囚欲投諸海澂白其長曰朝廷有憲部而郡國無憲臺可乎力爭之因命閱實遂爲區別戮者黥者各若干陳始怒而後喜其有守悉從之且薦以京秩爲刑部郎日有鄉豪素以俠稱爲時所畏殺人誘其奴獄上駁之請自鞠豪因得其直光宗壯之卽日除大理少卿然竟爲豪擯去

齊東野語

知常德府

攻槐集內制

有舟梢程亮殺巡檢宋正國

一家十二口累歲始獲乃在甯廟登極赦前吏

受其賂欲出之激奏援太祖朝戮范義超故事

以爲殺人於異代旣更開國大霽猶有所不赦

況亮乎於是遂正典刑後權刑部侍郎以待制

致仕家居十年卒年七十八俞氏自退翁起家

七世而納祿者至激凡五人且皆享高年

齊東野語

放意泉石創圃於南門之外去城二里許與小

浮玉山相對號曰無塵時以扁舟往來飲酒賦

詩爲樂

談志

激善墨戲竹石自成一家爲人寶重

齊東野語

陳覃傳

陳覃字會元安吉人大昌

寓賢子吳興有傳子備志

宣教郎

浙西茶鹽司幹辦公事

周必大平園續稿廿三

嘉定六年

以朝奉大夫提舉浙東路茶鹽公事權知慶元

府事兼沿海制置司

四明志

本年除浙東提刑仍

舊兼權

張誤會稽續志

東錢湖宅山堰灌漑甚溥每患

湮圯覃始置田租以所收歲給浚導者慮畫甚

遠撥錢及田造祭器服以勸士蠲海錯果蔬之

征以卹民城郭戎器倉場橋道以至公府與鄉

飲酒之器具纖悉留意人稱其整

四明志

八年除

吏部侍右郎中

會稽續志

十年除大理少卿直徽猷

閣權知臨安府

潛說友臨安志

獄無繫囚奉詔獎諭十

一年除司農少卿

臨安志

紹定四年以中大夫直

徽猷閣知紹興府兼浙東安撫使六年除司農

卿

會稽續志

中外踐更五十餘年其爲州也襁負其

民束溼其吏其爲部使者也公明果斷風動列

城其治天府也抑豪右嚴火政決滯訟增解目

其爲右詮也寒畯無淹滯之歎膏粱無僥倖之

門凡興利除害必爲悠久計家居之日裒家藏

副本以益鄉校建四橋以惠鄉井士論義之

水洛

集程農卿墓誌

兄準嘉定四年以直煥章閣知慶元府

四明志

### 章謙亨傳

章謙亨字牧叔湖州人其先正貳卿厯言路謙

亨克世其家紹定間知鉛山縣

陳文蔚西湖羣賢堂記

會

河州寇作鉛山障蔽江浙實處要害謙亨謂彼

衆弄兵由銷患不早積習使然不容以張皇諱

避坐失事機卽以急變聞於上申飭警備控扼

險要以待大軍之至明年本路調沿江兵應之



未幾賊果至部勒諸校所向克捷生縛百人梟  
於西關外賊遂平謙亨爲政寬平其他如愛民  
戢吏興學禮賢救荒減賦所可記者尚多邑人  
號爲生佛大書鉅木家置一本祠而祀焉又以  
捍禦功刻於章巖以志不朽吳興藝文嘉熙二  
年除直祕閣浙東提刑兼知衢州風采爲一時  
所偁浩然齋四年宮觀會稽續志

儀顧堂集卷十二終